



Arkivnr: 2015/4288-1  
Saksbehandlar: Roald Breistein

## Saksframlegg

### Saksgang

Utval	Saknr.	Møtedato
Kontrollutvalet		

## Gjestekustnarbustader og -ordningar knytt til Hordaland fylkeskommune - Henvending frå fylkeskutvalet

### Bakgrunn for saka:

Fylkesutvalet handsama i møte 26.3.15 sak PS 75/15 «Gjestekunstnarbustader og – ordningar knytt til Hordaland fylkeskommune» der dette vart protokollert:

**«Mona Hellesnes sette på vegner av V, Frp og H fram slik forslag:**

1. "Saka vert utsett.

### *Grunngjeving:*

*I vedteke budsjett for 2015 skal tildeling til gjesteatelier og Ambrosiahuset haldast tilbake til gjeldande retningsliner eller forslag til slike ligg føre.*

*Slike retningsliner må vere med i saka når ho vert lagt fram for ny handsaming.*

2. Fylkesutvalet ber kontrollutvalet sjå på oppfølginga av tidlegare vedtak knytt til leilighet i Covarrubias, Spania."

### **Røysting**

*Hellesnes sitt forslag 2 vart vedteke mot 2 røyster (SV, KrF).*

*Hellesnes sitt forslag 1 vart vedteke mot 1 røyst (KrF).*

### **Vedtak**

*Fylkesutvalet ber kontrollutvalet sjå på oppfølginga av tidlegare vedtak knytt til leilighet i Covarrubias, Spania.*

*Saka vert utsett.»*

Saksframlegg med vedlegg ligg ved denne saka.

Drøfting:

Kontrollutvalet skal på vegne av fylkestinget føre kontroll og tilsyn med fylkeskommunen si verksemd, m.a. på bakgrunn av vedteken plan for forvaltningsrevisjon. I tillegg til dette kan fylkestinget pålegge kontrollutvalet å gjennomføre kontrollhandlingar som dei ønskjer skal verta utført. Fylkesutvalet har ikkje same retten til å pålegge kontrollutvalet å gjennomføre kontrollhandlingar. Sekretariatet er likevel av den oppfatning at det skal gode grunnar til å ikkje vurdere om ein bør gjera noko med denne førespurnaden, på lik linje med førespurnader frå andre. På bakgrunn av dette vert det tilrådd at kontrollutvalet diskuterer seg fram til om dette er ei sak som utvalet ønskjer å prioritere og i tilfelle kva ein skal gjera med den.

Konklusjon:

Saka vert lagt fram til diskusjon utan forslag til vedtak.

**Forslag til vedtak**

Saka vert lagt fram utan forslag til vedtak.

Hogne Haktorson  
kontrollsjef

Roald Breistein  
seniorrådgjevar

*Dokumentet er elektronisk godkjent og har derfor ikkje underskrift.*

Vedlegg

- 1 Gjestekunstnarbustader og -ordningar knytt til Hordaland fylkeskommune
- 2 Samarbeidsavtale mellom Hordaland fylkeskommune og regiona Nedre-Normandie ang kunstnarutveksling